

琴玉山房詩鈔

附文鈔

瑞安蔡世楨著

借瑞安蔡氏家藏鈔

本付寫告  
乙丑九月

琴玉山房詩鈔附文鈔

共 1 册 存 册 排架号

10361



先大父玉生公諱世楨邑之諸生也公於書無所不覩為文下  
筆千言不加點竄尤嗜吟咏著有琴玉山房詩集未及梓行而  
公已先逝先是堂先叔祖琴東經歸公早世所遺堂先伯父小  
琴孝廉公纔數歲其家知公宿儒飽學使來受業時則移竹林  
玉樹為桃李新陰叔侄之間頗稱得意迨其後先伯父以詩文  
名於時而尋源溯流其實皆出自公之衣鉢也公作一以清真  
雅正為主若其中饒有一種溫厚之氣則又合乎三百篇風人  
之旨不類世之徒事堆垛者初凡八卷計詩千有餘首但以先  
大父捐棄館舍時先君子年甫數齡不知珍惜狼籍筭篋被人  
攫取者去其半又以多年故鼠蝕蟲傷耗散亦居其半今所存  
者殆十中之四五耳嗚呼惜哉第念吾先大父當清道咸間與  
鄉之名宿如曹秋槎黃菊漁胡桂樵周仲梅李玉樺諸公以文



字論文繼又假李氏卷石山房爲詩社擘牋分詠往來幾無虛日今集中唱和諸作猶存二三亦可謂之韻事矣乃勝會相距未及百年一轉瞬間而諸公已風微人往公之遺集亦復零落殆盡令人思之不能無今昔殊情之感若不亟加紹述竊恐世界滄桑後事益不可問矣爰是重加彙訂而雜著附焉待付剞劂俾廣其傳但稿久散佚反覆轉抄或採自親友家者烏焉之誤帝虎之訛知其不免尚祈博雅君子之閱是編者諒之爲幸昔民國乙丑秋仲孫男蔡瑞敬識

琴玉山房詩鈔

題友人新居

門外鷺鷥飛一雙  
門前溪水接清江  
先生卜築臨溪上  
老樹遮簷浪打窓

瑞安蔡世楨玉生父著

病起郊行

令節重陽近江村  
薄晚涼秋聲起平野  
斜日下漁梁  
落木疎無影  
餘花細有香  
瑤華空自好  
遲暮若爲傷

戲詠草上流螢

之蟲鳴不已伴我最相宜  
病葉寒仍抱幽花卧欲歎  
一庭涼雨影三徑夕陽思彷彿  
黃要叔秋窓點筆時

題蘭亭便面二首



勝侶招尋少長并蘭亭觴詠舊知名風流事往溪山老染翰愁  
添攬古情

蓬池異代自清新蘭渚何因繼後塵他日臨流重懷古惠風猶  
是永和春

秋山陳先生綠竹生孫圖

併土抽梢春復春琅玕風骨本嶙峋金坡異日留佳話玉笋班  
聯定幾人

懷李山人松士

不見西霞老畫師風簾花慢動相思細桃開後無佳句翰爾晴  
窓畫折枝

贈黃穆如敬熙

不免唐衢哭徒工朱穆書餘生思作實薄俗笑爲儒一飽謀仍

拙千秋願信迂河山可招隱吾亦厭窮途

宿觀音禪院

層層曲榭抱

覆欲平睡醒棲鴉滿僧院未明猶

作護巢聲

挽某禪師

詩僧示寂五春冬石塔鐫名想舊踪明月一輪清景在別無人  
打夜來鐘

北湖觀魚

北湖涵石脈一鏡開青天春風三月暮流出桃花鮮疎林交迴  
薄寒藻媚清漣飛光爛不收有若障空烟潛鱗何許許迎沫亦  
翩翩彼生欣有託想見天機全觀空會羣動滅息見紛牽既請  
游泳趣復此清川妍因之覽元化思結濠梁篇惠施爾勿晒魚



我心相憐

僧院消夏戲作煎茶詩

陽巖有仙卉不與凡草並  
穀雨抽芽尖  
英英擷其頂  
剔蘚搜石脉  
撥翠貯寒影  
松火焰澂澂  
蘭濤光炯炯  
疎香味盈盞  
活碧色浮鼎  
肝肺散煩溽  
鼻觀發新警  
學道有真意  
口腹漸醅酹  
小飲日無事  
悠悠北窗靜

宜男草

宜男名字繫遐思  
淺碧深紅別有姿  
憶向合歡窻下見  
玉兒含笑避人時

夜來香

長籐短蔓覆如雲  
小朵含風翠不分  
一縷清香無覓處  
月痕留待夜深聞

四月八日戲題僧壁

我笑摩哥利年年浴世尊  
如何五香水不洗六塵根

宿雨初霽風日妍  
美同周仲梅黃穆如泛舟春湖歸途即景

斯游不減山陰興  
賓主相忘樂未慵  
歸路况逢初月上  
湖光嵐翠影重重

恆姪年甫七歲教以作詩輒能成詠喜極有作

嗜古軒原刻

雁序分披後琴書事事哀  
直疑天有慟翻恨我無才  
門祚危將墜家聲慰或推  
銅盤驚得汝懷抱向人開

七歲憐嬌少生來有俊心  
驕驕真逸種雛鳳更清音  
疎懶廿余拙飛騰望汝深  
瀧岡阡表在遙憶淚沾襟

爲漁二首



分無旌節下巖居詎有勲名上史書等是散材無用老爲儒未必勝爲漁

峭帆一道破烟蒲隨意浮家興不孤晚汐早潮爭市罷元駒青馬滿行厨

曉垞村景

青山如奔馬到江忽破碎居民數百家隨山分向背峰挾村勢轉江豁平原潰細徑緣修竹小市入蝦菜良苗香已吐菱荇紛可愛人物疑陋邦林巒餘勝概偉觀駭初適落葉迫餘靄具搜惜未暇心賞期一再歸鞅趁明霞遙山映浮翠

曉垞村中待渡

惻惻戒行李悠悠別親愛山川非異域客心自淒毒今辰發前莊行行及昏昧湖光蕩高樹暝色浮牛背喚渡寂無人斜陽淡

相對

失路

失路緣升斗高堂有老親青衫爲客淚白首倚閭人望遠愁應劇懷歸歲又新仍憐芳草色不改故園春

月夜登隆山浮圖絕頂望海

飛檻憑凌俯太清海天空濶迥含情遙知沙鳥風帆外時有羣仙奏樂聲

寄懷黃穆如山居時穆如習靜雲居禪院未嘗一歸里闈

友朋懷想互以筆札勞苦起居余懶於裁答至是命莊

奴報書兼呈二十八字調之

生事多多懶卜居長年一榻寄僧廬不知髻影春風畔可有天花供養無



吳鴻模別墅卽事

槿花籬護豈花棚清簟疎簾小送迎最好夜來涼雨歇滿窓明月聽蛩聲

懷董紫暎

禧

乳燕低飛芍藥開綠林茅屋試新醅江流三月桃花水不見故人打漿來

讀宋林霽山先生瘞諸陵事書後

白雁歌殘宋社屋六陵悲風失喬木玉椀金甌散不收誰向西冷禁樵牧林公草莽宋遺民白頭淚洒橋山春寒瓊幽草夜深負猿吟虎嘯行逡巡滄桑事往九幾度平林依舊竄狐兔落日荒涼杜宇愁行人猶說冬青樹噫嗟乎楊奴猖獗何足云唐生豪舉徒紛紛獨公精誠長不滅至今留作秋空雲

早行題河上寺

幾點殘星掛梵宮馬蹄入跡板橋東山僧不屬鷄聲管禪榻松陰睡正濃

桐廬

小戶人家鳩鴨灘賣魚聲裡櫓聲寒桐江三月河豚美乞與嚴陵舊釣竿

漁父詞

菱花菰葉鱸魚浦桐帽莎衫燕尾船日日酒家賒醺醪白蘋風起舵樓眠

咏燕二首

柳烟花霧散清芬愛爾翩翩日幾羣怪被壓鍼人學得一雙雙  
綉藕絲裙



碧杜紅蘅滿院香  
啣泥來往鎮相將  
東風不下雙銀押  
留待歸飛在杏梁

遊仙巖寺

山靈富天巧招提  
閱人代雲霞一徑  
遠松竹孤村晦鐘  
魚無今昔龍象有  
興廢秀師諫已無  
何況南無輩長老  
腰脚疲蘭若種松  
菜僧雜飽無事掃  
地供井碓作詩訊  
古佛一笑怒蒙昧  
無生不足學福地  
心所愛去住吾何  
有風旛兩無礙

題張都閫射獵圖三首

圍場十里暮雲平  
箭筈風高鼓角鳴  
窄袖短衣齊擊刺  
果然部曲盡知兵  
風雲百戰老朱顏  
馬上相看髮欲斑  
髀骨未消豪氣在  
畫圖肯放此身閑

海上魚龍聽指揮  
波閒樓櫓盡軍威  
江河尚有狂鯨在  
休戀平原秋兔肥

讀史有感四首

石城形勝古難傳  
虎踞龍蟠得上游  
淮泗西來將萬里  
荆襄南下百雄州  
卽論經畧非無地  
便擬偏安恃有謀  
太息江山換豎子  
至今留恨秣陵秋

往事亦邀南渡名  
豪華一瞬竟何成  
國讎未雪將才貴  
逸老年多黨禍傾  
莽莽奸雄誰跋扈  
紛紛尚稱兵當時  
剩有鴟夷憾淮水  
東流繞舊京

雲堦月地柳新新  
艷曲初成進御頻  
白下鶯花無賴好  
秦淮烟月可憐春  
零粉殘香劫後塵  
六合爲家歸聖

代



豈意亂離無樂土

閑身江山魚爛誰收得朝局蠅營遂不振草草留都成底事

噩夢送殘春

霽後散步題琴玉山房二首

雨雲收盡暮飛鴉一帶樓臺有晚霞涼意漸多風淅淅滿林吹散素馨花

雨晴風自竹間來吹出林蘭香作堆惹得紛紛小兒女晚涼時節報花開

客行即景

垂楊條禿棲鴉暮菡萏花殘錦鯉遙一種涼秋八九月西風落日過溪橋

無題

芳草芊綿綠過橋垂楊依約學纖腰惟遺了鳥窻深閉不見春風雙翠翹

南湖舟中作

西風吹午夢飄忽不知處覺來聞秋聲已入南湖樹南湖百頃波粼粼雪色暮罟師傍晚集鳴榔散漁具人影暗菰蒲聞聲出烟霧尋常貪利涉清景無由晤竭來浦澍交忽飽滄洲趣浮名不可期頭顱易衰素奔走誰使令蹠躓良自娛便當學垂綸投竿此中住琴高遙相待涪翁希可遇白雲無盡時流水杳然去寄謝塵中人吾將狎鷗鷺

晚投僧院留宿

疊嶂何年寺松門開向山窻虛雲木秀澗近瀑泉環老鶴遺巢去齋猿覓果還黃昏空翠合倚杖夕霏間



題李灌亭畫秋景

秋山淡淡水洄瀦遠樹烟銷望倍明無數幽居帶長薄滿天空  
翠落檐楹

水窓面面繞蘭茝柳外人歸繫小艘借我半間欵枕處卧看白  
鷺下秋江

哭女蘭芬

當時逐伴報花開今日花開喚不回小立東風無限憾斷腸春  
色爲誰來

閻史難刪上巳篇風光依舊賣錫天櫻桃柳絮傷心樹愁對春  
風憶往年

鍼線拋殘慈母哀衣箱付妹憾難裁玉梅窗下青油幕一一思  
量學繡來

恆姪作謝笋詩得句云涪翁戲語爲絕倒一心咒筍莫成

竹余喜其歷落有致爲足成示之并以謝惠笋之李山

人嗜古軒原刻

我昔讀書萬松麓上方種竹青在目晴窓影拂石硯活夜帳清  
回水簟涼春風吹香筍芽脆貓頭覆土如立鏃心之所嗜神爲  
驚口不敢言意恐瀆野老多情惠愛深幾歲贈我蒼玉束貧交  
似爾復何有拜嘉愧之連城玉蜀江紅薑未足比盤山白松味  
尤俗釋郎相好無膩腴令人却厭花豬肉欣然一飽煩竈妾未  
暇三薰付走僕不妨座客笑饒夫豈慮倚人朝癡叔書生說食  
例有味長年所務惟口腹移居倘買萬松岡把臂定入篔簹谷  
與萬松山俱  
在邑城東  
破鐺煮筍聊媮媚掃籜烹茶自幽獨不須苦索李  
山皦皦自具春盤足涪翁語妙爲絕倒一聲咒筍莫成竹



題黃菊漁豐湖揚帆圖送其北上

津亭宮柳尚綿綿西笑關山此別筵  
送爾黃金臺畔客揚颿須及小春天

滕家

斜街花柳盛繁華紫陌黃塵白鼻騮  
休信長安玉桂國春風開映簾鉤  
快意簪毫采殿游料得難忘題柱處  
豐湖山色送行舟

禽言四首

山中學話林間語長叫鳳凰不如子  
嗟爾小鳥計良拙得意詎用相凌  
翹神物含景內精光黯淡不異真  
消亡華山之禽縱憔悴世間誰識孤  
鳳皇鳳皇不如子

提壺沽酒花下路酒家只在深林住  
今年米貴不易沽東村西

村無覓處提壺只管沽酒樂不管秋  
田早無粟十家九已空瓶甕何不催  
耕學布穀提壺沽酒

紺襟紅臆花間啼啼聲未了花滿溪  
花枝折斷君休惜有花不折空委泥  
君不見館娃宮鎖越溪女折取花枝  
默無語縱教一舸五湖沈應勝當時  
浣紗侶莫折花枝

告天子翻飛聲不已虎豹扼天關虬  
龍深萬里一語觸禍樞血肉上砧几  
君不見皂鵬巨鵠盤空集鳳皇驚驚  
安在哉人生飲啄且快意古來肉食皆  
凡才寄聲癡小林間鳥慎莫排雲上  
九垓告天子

經胡文霽亭墓下作

一自蘭堂罷酒樽漆燈寂寂闕荒原  
無多佳氣浮封樹時有殘陽下墓門  
失路易沾今日淚長貧深負昔年恩  
孤生無限西州



憾吟向黃墟一斷魂

徐靜之吉祥花冊子

小草名吉祥苗葉淨如沐叢生石隙間鬱葱滿山谷舉例軼忘  
憂命名陋萬萬不比書帶柔遠勝牛芸綠時或綴疎花微應必  
預伏譬猶列象緯響報一何速北朕函微夷其來誰能燭偉哉  
造化工鬱彼芊絲族庶物記異名義例首郭陸後來盛箋傳性  
味窮寒燠是物殊缺然瑞應置勿錄坐令知者稀不貢貴人目  
徐君詩酒豪園林百卉足小品得佳玩貯之虛白屋揚馬珥形  
闡嬉施耀麗服夷猶發揚誦彌覺物情淑花開圖厥祥一洗桃  
李俗弁以珠玉言和者盈百幅吾詩愧未工滯筆氣已慙會須  
注蟲魚亦復疏草木之子慎嘉修其旋兆蒂祿彼誠得氣先令  
名良可祝書成臚一二持以比嘉穀臨風一援引慎勿秘牙軸

做元微之襟憶詩五首

紅芳爛爛柳依依鏡檻香濃凝不飛憶得曉粧勻染罷滿身花  
影乍更衣

隔牆人語聽徐徐風汎蘭叢曳珮琚憶得踏青歸較晚水晶簾  
箔上燈初

小桃初放兩三叢雨葉烟條露井東憶得早春花下祝悄聲吩  
咐與東風

斬新綾慢麩塵鮮特地挑絲繡瑞蓮憶得花時消渴後辦香親  
施與金仙

繡餘何處最相思一種幽懷世不知憶得峭寒風雪夜細烹香  
茗佐吟詩

熟食日寄懷黃穆如



風光轉眼又清明無限繁華屬太平  
裙屐幾人還熟食樓臺何處不新聲  
惟憐節物歡兒女誰肯艱難念友生  
我輩青雲俱寂寞破窗燈火夜三更

壽家殿賡五旬初度

送老休嫌舊瓦盤草堂生計足盤桓  
千年芝向巖前剪二頃田從屋後看  
麥熟桑濃無復慮男耕女饁有餘歡  
襄陽耆舊無佳句舉似龐公擬未安

絡緯

別院秋偏早莎雞啼向辰不成催織婦  
特地近愁人涼月飛鳥少疎燈落葉頻  
那堪將玉漏淒切得人嗔

客况

飄泊仍遲暮長途兩雪間  
還携孤劍去未放此身閒  
歇馬尋江

店沿流逐亂山倚谿漁扈在應各掩荆關

曲港紛篁竹溪流漾白砂居民半漁釣稚子學撈蝦  
檣木三年大楓香十里斜道逢採樵者慣酒問山家

訪醫師胡山人村居四首

鳳山山下小溪頭莎草縈紆路最幽  
畧約斜通轉深曲大桃如畫滿汀洲

屋外青山屋內書烟雲收拾滿階除  
從教入畫園林去勝絕嵩陽舊隱居

靈草春生耀日明靜聞香氣不知名  
何當疏取桐家錄藥甲花苗細品評

榕陰漸漸覆湖濤

盡日畫眉聲不斷輕舟未

厭往來頻



題醫師

彷彿花源好溪流畧杓通楓林鴉點外墟落淡晴中  
磬響來初地樵聲出遠峰幽棲殊未得翰爾學臺佟

艷體絕句

柳映鶯遮乍下堦背人時復一飛鞋秋蟬翼薄蜻蜒小認是如花  
瑟瑟釵

瞥見佯羞欲避時勞將眉語報微之分明只隔銀屏影不隔巫  
陽雲雨思

別有風情濃艷羞不形拘放是溫柔過江若作蛾眉論彤管應  
分第一流

我空牽雲自古疑青衫只合淚長垂獨慚不及江郎筆辜負人  
間有恨詞

有感

時臺匪未靖大帥徵調浙兵援  
劉有自端入閩者感而賦此

白羽徵兵出大潘牙璋頓起萬人屯時清未解從軍樂邑小仍  
憂供億繁窮谷忽然來義莫長江何慮擁絲恩平生為作懸蒲  
想

纔聽瘡痕怨恨聲旋聞鄰郡更徵兵扶風歌罷無人會空撫純  
鉤意不平

軍輸萬斛壓江潭民力經旬恐未堪窮海么麼成底事何勞飛  
粟半東南

流年如水去法法坐使青蛾怨夕曛三十男兒愁裡過人間誰  
識李摩雲

紀早二十八韻

山未丙申連年大旱其時  
鹽卡之設景象如是

國家有遺利貴者逝勿趨四民體此意還以給惇孤鰥寡與廢



疾以此濟其軀在我懼或瘳於物任取餘所以戒竭澤匪必留  
濶疏美哉聖皇業網舉細勿苛恩怨兩相忘足可養恬愉一朝  
利孔開百計競紛挐名陽爲奉公陰實廢私儲雷霆迫星火鼓  
車鞭於菟輿臺伍伯隸羆虎封狼豕推細起毫芒扶隱窮分銖  
網目密於髮牙爪利如錐招搖四散伏機發捷勾拘怨仇持脅  
制羅害皆非辜絕其生活計輾轉擠溝渠咎徵感鬼魘氣使神  
招呼亢陽佑烈燄一早百日餘坐令常稔地圻裂無遺株應冷  
必有由流毒誰所爲婦孺一噫喟命脈均慘舒誰能幹元氣忍  
於閔蠢愚萬一彼失業投閒煽屠沽汝肉豈足惜易以正威弧  
草龍甕蜥蜴厭法誠區區牲玉走群望雩祀匪良圖弭旱自有  
術要匪術可祛嗚呼焚巫尫曷烹桑大夫

山居襟感五首

渴飲饑餐暇賦詩竹窓松塢綠蘋池長年短氣如何似駑馬垂  
頭仰秣時

麝煤松炷破殘年賸有閑情愛劈棧水族加恩花九錫儂家亦  
自有凌烟

江鄉鮭菜四方無紫蟹紅蝦玉色鱸惱我清懷消不得一般風  
味在菰蒲

黜歛幹濟百無能畫餅文章歷苦辛不是天涯同調客人間誰  
識苦吟身

江湖牢落自年年青史功名何處邊結習未忘狂性在可能容  
易望貂蟬

聞笛

幽人佳世百不憂眼中人事空浮漚只有多情被花惱每對花



光愁更愁今年月夕病心悸一春強半何曾寐四壁殘燈焰影  
凍十年幽夢和雲積誰家青娥夜蕭索明河在天慘不樂拚教  
玉笛喚愁生似向風前奏花落花落春歸思不禁關山迢遞按  
沈吟還將別鶻離鷺曲吹送啼紅怨翠心淒淒切切無限意流  
波激電聲聲媚一鈎殘月挂愁痕百尺游絲繫紅淚游絲殘月  
空中度流年容易傷春暮碧玉含顰未有家蕭娘善睐憑誰訴  
年去年來春復春爲憐同命不同身玉顏易老心多感金粉將  
殘恨轉新別有憂思那堪說恩情無奈中道絕豈菟難緘杜牧  
書帶環悔與秦嘉別明鏡盤龍懶復陳文窗窈窕暗流塵一聲  
聲出花間聽彷彿憐渠是恨人涼夜迢迢音乍闕深院沈沈漏  
點敲寶鴨香焦星已稀子規啼罷夜如雪我亦聞聲思悄然感  
時懷舊若爲傳高樓西北還惆悵孔雀東南任棄捐多情自古

神所譴况復刻露窮雕鐫紅粉有才真自誤青衫憔悴寧非天  
阿卿阿卿聽吾語妯娌本是明星侶仙家無限別離悲何况  
男與癡女少年樂事總堪憐過眼風光散似烟浣花牋帝題詩  
處觸撥閑情又一年

初夏卽事

茶香風軟日初遲小雨如烟麥熟時兩岸人家桑柘合鶉哥聲  
裡看繅絲

庚寅寒食哭亡弟世銘

次第風光次第新一回淒斷一良辰并傾萬古窮途淚未抵人  
間哭弟人  
前年聽月將除夜僮僕愴惶弟妹愁燈燼漏殘天未曙一絲霜  
氣是彌留

臘

裏看



刀圭服後慙慙望藥餌無功病轉加日色游揚向空盡熟香重  
爲禮僧迎

死去應無二豎憎魂來長是病形骸分明見慣呻吟在夢裡何  
因得放懷

可憐廿載爲兄弟風雨聯床夢幾回今日白楊荒塚畔病兄親  
送紙錢來

村中晚望

漁蓬淡依柳渚解舍濃壓蘆倚時有櫓聲棹過溪雲日夕寥寥  
漠漠烟籠桑柘輕輕風送稻花想見桃源風景雞栖豚栅人家

寄孫之九山人

味淡耽閑稱隱淪能琴善畫苦吟身遺榮比是安鴻漸學道依  
然鄭子眞愛客每遲烟外擢折花時墊雨中巾道裝筇竹風流

臘

劇眉宇高寒未易親

臘月二十三日同黃穆如西霞山望大雪

山有馬真人丹臺

朔風遲客俯層巒磴道來攀第一盤地與浮雲無際白天連海  
氣不勝寒霓裳小謫空中影銀甕飛流物外觀此處由來仙苑  
近琪花珠樹盡栖鸞

寓居觀春禪院

習靜得初地如夢仙清虛莊嚴寶樓閣蕭爽白玉精山光四空  
合野色與之俱天風來不已墟籟紛縈紆古來光景地信美須  
人扶山靈不無意似我良區區愧非郴州柳孤負愚溪愚詩成  
聊自遣造物誰汝娛

遣懷

荷衣有味遠難攀清隱關心去住間閱世人多青眼少五湖天



遠白鷗閑憑凌世故嫌身拙索冥心期感歲闌自分無才甘獲  
落敢誇風骨本珊珊

題科頭松下圖小照

松意自高蹇閱世成千尋赤日不到地石氣浮陰森中有寂滅  
子脫帽散疎襟與松兩自在磊砢而嶸嶸人間嗜欲勝物外天  
機深慨然發孤詠念子歲寒心

至日奠亡弟世銘詩以當哭

至日陽回報汝知猜詳人事尚孤疑蘆花如絮初堪剪仍是嚴  
寒欲雪時

三月八日醉書琴玉山房

疎簾文几清晝長松筠淪罷新爐香繁花如雪媚光景令我詩  
思來無方人生何者非憂患磨盤轉蟻藩觸羊區區溫飽豈足

恤政坐有願無時償垂逢十載愈蕭索盛年一往神慘傷鄉鄰  
被髮計良左何異非轍浮南航當時意氣今遺幾此心可笑不  
知量不如扁舟任行止山容水色相扶將春風勸買市橋欲落  
日拚解腰間璫村歌牧笛有深意唾壺敲缺聲琅琅螟蛉螺贏  
二豪失衡華岬埴誰低昂與酣未覺古人遠壺天日月真羲皇  
甲午清明大雨二十餘日夜事匆匆春風草草傷袂飲之  
無從悔踏青之不早賦苦雨詩二首

風光黯淡不勝情彌月何曾喚賣錫芳草落花相倚恨一簾絲  
雨過清明

烏啼花落古今愁九十清尊次第收料待朱門歌舞歇半竿斜  
月下樊樓

春游



行盡疎林始出山一溪絲柳綠烟環薄寒閣住濛濛絮十里涼  
雲香靄間

友人爲予言蔣丈雪齋近有納道之喜作詩記之

豈是張郎解畫眉非關韓掾有情思梁清自赴長庚約不遣明  
河女伴知

聽松樓

卷石山房八詠爲  
主人李玉屏題

寒空走蛟螭驚濤來木末飄若風雨至驟如弓刀突危樓西北  
望牖戶抗林樾有客聽未終商絃時一撥兩忘木與絲會心乃  
起忽泠泠松間露皎皎樓中月霜天萬籟高餘音聆疎越

洗硯亭

溪曲短亭子北枕青山麓蔭以偃蓋松環以蒼篔竹山中草元  
人欄干俯晴淥硯維心所愛奚惜日三沐流光蕩肺腑詩心淨

寒玉烟墨流餘瀋蘭茝資芬馥洗硯貴洗心心清硯不俗鸛之  
無鶴之慎勿刻其目

留雲硯

空翠晴滿山烟光遠還積白雲何許來蕩搖散空碧人言古石  
硯有狀如曳帛屹岫走雲氣一罅爲之宅元門大氣毋聚散根  
呼吸萬象涵虛空世界藏一粒無厚與有間此理誰當執一笑  
雲之君何年此中蟄

讀易廬

山中容膝地瀟洒伴精廬南寮北有牖羅列文羣書梅林香冉  
冉桂樹青如如有酒還斟酌有月永清娛觀心妙消長樂意忘  
禽魚蕭然一室間想見天地初

卧溪橋



何年葛陂君游戲清冷灣仙翁仙已久無人喚爾還歲月疑虹  
卧清夢流潺湲至今踐作石鱗鬣猶斑斕世外足軒睡人間空  
此山白鷗忽飛去溪雲相與閒

醉月坪

乾坤此明月諒爲酒人設飲者全其天清光與永夕吾歌月當  
空吾醉光不滅蟾蜍入我夢導我雲間宅清虛八萬戶通明絢  
金碧凌空一笑粲盈襟露華白神仙路渺茫未覺糟邱隔陶然  
時中之想此一坪石

美人巖

明星古玉女皎若列姑射信美誰自成綽約自妍惜採香神女  
峰拾翠蛾眉積掠鬢華鬢雲勻面丹霞液芙蓉荷薜荔一二爲  
之飾小謫來蓬瀛墮立化爲石精爽尚不磨形容宿昔凋悵此

山阿含情徒脉脉

無題

繡幕珠簾相向開百花深處有樓臺曲欄干畔鶯鴻影不爲行  
雲不肯來

追憶山弟琴東

舊游蹤跡兩相并歷歷思量淚便傾落日荒陵亭斷碣秋風蕭  
寺訪題名一家文字相師友十載心期自弟兄此後耕漁誰作  
伴雲山無恙憾難平

將近詩錄呈周仲梅賦此解嘲

個中消息情誰傳語自多情守自全諒我曾無蝴蝶夢教人休  
喚海棠顛紅牆祇合稱唐述錦瑟何須仿鄭成領取左徒哀怨  
在未妨香草紀纏綿



苦熱

水檻荷亭六月中日車飛出火雲紅招涼無計愁炎暑夢想劉  
郎畫北風

小青焚餘集書後

西陵小兒愁日暮一曲哀絃向誰訴自言心是雲中蘭不學隨  
風綠楊樹蘭推蕙折何匆匆妬焰狂飛劫火紅明珠入手那忍  
讀令我愁絕心怔忡胡天雁斷孤臣零湘竹痕深二妃血殘宵  
燈大思淒然風露如聞候蟲咽

讀錢虞山宗伯團扇篇書後

勾黨餘生悟後禪一篇團扇寄纏綿尚書自寫秋槐意不爲銘  
華歆逝川

曾見銅仙下淚來劫灰飛冷鼎湖哀庾郎無復蘭陵恨枉自稱

量作慙才

讀明史姚榮國傳書後

靖難功臣跋扈材禪林悻惺漫疑猜榮公獨愛藏春子頻向劉  
攷酌酒來

自比周公話豈虛內家一炬究何如彌天何預人家事論定當  
年有女嬃

謁卓忠毅公祠

荒祠徑靜草青青弔古懷賢此地經舊國遷流遺諫草故鄉仿  
佛尚精靈溪毛日暮居民薦庭樹秋風故客聽莫話金川當日  
事長陵坏土已飄零

一例孤忠授命時多公慮事獨先知上書賈誼朝端重攀檻未  
雲汗簡推臣族肯營三窟就主恩何惜一家危吾公身爲綱常



繫節並方黃俎豆宜

清明

霏霏小雨濕初停已有游人着履行  
紅杏村深剛繫馬綠楊風軟乍聞鶯  
人緣豐歲應行樂天爲佳辰肯放晴  
日暮踏歌歸去也淡紅香白不分明

石門謁劉文成公祠

青山環合水侵門中有偉人生長村  
故老尚談名世策豐碑如表帝師尊  
陰符事秘愁推測玉帳文深怕討論  
我欲手公詞翰去旂常應不掩吟魂

至正年間事可吁揭竿何地不屠沽  
公心本爲韓仇出天意翻令漢業扶  
想像白猿疑有此思量黃石定何如  
山中日暮精靈語應有瓊函護寶書

望海

漭漭愁無地洶洶敢暫停  
颿隨飛鳥遠天拍海門青  
積氣浮昏曉函空蕩杳冥  
不知秋浦上慷慨幾揚舲

詠明史小樂府八首

叔父稱兵日招搖向五雲  
後來諸帝子靖難日紛紛  
九族瓜鈔後朝賢迹已孤  
貂蟬空自好留伴牧豬奴  
故劍思何益中宮自靜慈  
誰將文母恨說與大家知  
蟒玉一時錫恩借黑鬼來  
海陽雙白馬相率正徘徊  
陳公三詔獄風骨益峻嶒  
地下塞忠定應慚鐵漢稱  
往歲官三級今年酒一杯  
萬人思紀廣惱殺井源來  
誰送欽徽返青衣事不同  
長城君自壞翻賞奪門功  
中使金貂貴前陳復後楊  
不圖傾覆際定策有金英



信天翁

君不見信天翁雪跼文葆江湖中江湖清淺魚可拾爾獨無術  
天所窮喙長三尺不自有啣魚往往飼魚狗天風颯颯鳴菰蒲  
下依白石上古柳翁縱得魚慎勿喜饒餘之食詎飽汝口腹因  
人自古難昌亭旅食誰知己

贈鮑維城先生

維城近著一書正三傳之誤而自成傳體

三千年後論功過傳信傳疑孰起予使向五家翻鐵索玉杯吾  
欲廢江都

季子珊扇頭畫蝶二首

風光流轉太匆匆如夢春情一响中為問江東謝希逸吟魂知  
有畫圖無

春風冉冉到垂虹鳳子翩翩貌不同不是羅浮山下見丹青誰

信小滕工

又蛺蝶詞七首為季子珊題扇

縷金衫護紫霞綃天與輕盈玉作腰幾許芳魂招未得憐渠生  
小是花梢

花開何處不相隨春色分明汝最知燕語鶯啼方幾日輕寒簾  
幙見歲華

粉蠹初生力尚微藥房花塢見依依春閨女伴應憐惜不忍輕  
將紈扇揮

曉日花陰縷作團六銖輕倩露微寒無端又逐紅情去飛過東  
風白玉欄

桃花春漲影濛濛烟雨迷離乍有無點染綠波輸爾好水蒔花  
外碧芙蓉



自倚輕狂無是非應防身世有危機東風滿地香無賴莫向蛛絲網處飛

葦墻已過見無因寂寂朱門恨又深休向青陵臺上望韓憑原是幻人身

閨怨二首

風定流螢明露下銀河清玉牕人窈窕遙夜素娥情  
金井雅棲後博山香燼時啼痕却明鏡淚盡燭花知

山寺秋夜即景

木落天宇涼月上精藍靜香臺緬高寄石壇肅清迥維時八月  
交萬象澄夕景鶴翎墮秋烟清猿淡危影松杉形高蹇搖漾寒  
泉井疎竹與幽花亦復見妍靚幽尋欣所遇有若夢初醒心息  
鐘梵幽道契烟霞永至理諒無滯即境隨所領何當謝塵氛

茅遂幽屏

送董紫暎之山陰

鏡裡湖山景最幽故人掉臂賦閑遊若耶溪水雲門寺羨爾題

詩在上頭

題文衡山畫

上署壬戌八月望日為補庵先生作及徵明共十四字余將持贈琴東懸此勝之

望中景物劇鮮妍彷彿江南雨後天楊柳晚霞醅酒岸桃花春  
水釣魚船雲深定有逃名客山迥寧無白足禪安得就中三畝  
宅煮葵燒笋過年年

有感

生作瓊花便有姿就中尤艷第三枝如何風送章臺去留伴垂  
楊館別離

曉坪某山有禪人僧律精嚴不下茲山四十餘年近日惟



聞鐘磬音雖山中人罕識其面念欲枉道修謁諒無一  
笑之緣慙此以誌景仰

道人不出山白雲滿幽徑離塵四十度語默超慧定邇來道益  
高起滅萬緣淨法界玻璃光禪心水月映異類懷皈依人天渺  
窺偵何處覓聲聞雲堂一聲磬

春夜書懷

昏燈照慢影隨身殘漏聲中合愴神往事去如棋換劫舊交疎  
似月侵晨花邊遺悶無歡伯枕畔銷閑有秘辛清減腰圍緣底  
事司勳遮莫又傷春

贈黃穆如

文章心畫事何如一寸靈光用有餘玉躒金題三萬軸未誇著  
述是蟬魚

小園對月懷李玉屏

開軒延明月月好天宇淨露草光可摘疎林淡相映荷氣聞夜  
涼清風冷然勝故人緱蘭蕙芳馨怡我性迢迢阻長夜清光無  
由贈傾襟結冥想歡言期合并何當跼月來烹茶候蘿徑

襟感五首

破窗風雨一燈涼十載淄澠味苦嘗覓句未工慚刻鵠讐書多  
悞劇亡羊從知齊物原無物詎信間香定是香甘苦自諳還自  
愧箇中消息海茫茫

擬把閑情賤惱公愁來祇是欲書空驂馮服軛心偏懶雞犬升  
天術漫工似我不妨高閣置如渠何必出羣雄阮生別有無窮  
淚不在尋常溫飽中

惘惘不堪愧偶儔悞人書劍是儒流窮愁歲月謀人拙落魄交



游識面羞世有銅陵堪作達家無金穴詎忘憂草元不識錢神  
論枉被齊奴笑未休

六張五角盡窮途往事思量感慨俱知己半生泉路有受恩一  
慟世間無鬚眉我愧非英物骨相人疑是腐儒料得升沈前已  
定古來名士半樵漁

此心雞肋不分明旋覺車輪轉未平小草出山猿鶴怨間雲離  
岫薜蘿驚名場得失原無味聖世簪纓尚有情且莫為猿東海  
畔綠叢青笠事躬耕

山居即目

困人天氣夏初交濃綠撐空葉滿梢何處有情偏惹恨棟花風  
裡燕分巢

聞黃穆如失明悵然有聰

牛斗神靈未可期廢來如汝竟何為生無庸福曾知命身是才  
人合數奇到此交遊寧免哭即論慰藉更無詞編蓬集補遺民  
傳珍重題襟一卷詩

咏鴨

春江烟雨翠模糊鴨鴨呼羣樂有餘擬把竹弓聊一射恐驚鷗  
鷺在菰蒲

戊戌生日二首

少日心期隘九州中年淪落故山秋人間榮稱疑無分身後浮  
名或可求已判忘形隨野鶴不將機事惱沙鷗菰蘆積有蝸栖  
在閑與漁樵話去留

斫地歌終氣不平西風斜照酒初醒憐才無限思前輩失路人  
誰念後生落落乾坤從永棄悠悠身世竟何成不須俯仰論今



古且把耕桑答聖明

司馬相如

梁苑詞臣賦倦遊蜀江酒客慢相尤丈夫玩世親墻保好女憐  
才自蹇脩馳傳不同翁子穢攜辭真比孽暴優遠山眉黛芙蓉  
面相對如何怨白頭

玉壺道院

捫蘿涉巖到層巒衣上雲生白晝寒孤院無人丹灶靜一枝花  
發玉闌干

楊柳枝詞二首

青樓一樹綠楊絲牽引東風入畫時薄暮烟籠波映裏紅綿粉  
絮最相思

未藏鴉處偏含態纔拂頭時已解顰夸向長街弄春色故應愁

殺翠眉人

村景

溪流曲曲抱山斜中有漁標八九家縛竹架茅依柳格賣魚沽  
酒趁蘆花

贈友

不見佳書二載餘燕臺結客事何如故人懷抱推顏盡剝欲從  
君弔望諸

村居咏懷

天遣爲農老此身烟郊景物見來親雨晴橋隴聞秧鼓風軟蘋  
汀下釣綸舊侶半爲狂社客新知多是偶耕人綠桑巷陌忘名  
地豚栅牛宮自比隣

閱唐人說部戲作



鸚鵡前頭警覺時  
潛來消息更無期  
輸他花裡長相送  
穩卧烏龍自不知

短檠

擺窗竹露蟲鳴後  
浮榻茶烟月上時  
山寺鐘聲花外漏  
此中清味爾應知

友人席上讀林稚石客中書刻寄

朋輩思君屬暮春花時相憶不相親  
幾年幕下淹名士  
萬里書來慰病身  
舊業已荒休戀棧  
壯心無恙莫羞貧  
他時檄蜀文成後  
會有前驅負弩人

溪岸見蘭蕙盛開感賦一絕句

清溪迴抱石嵯峨  
石上幽蘭三兩窠  
我寄相思與流水  
美人迢遞意如何

己亥暮春遣懷二首

才過花朝又禁烟  
東風如夢客愁偏  
飛來燕子春將老  
開到楊花景不延  
驂竹勝情疑昨日  
磨牛陳迹又今年  
江湖歲月由來速  
閑過皋夔揖讓天

願與時乖命不辰  
愁腸碾碾迥含辛  
三年杜學屠龍技  
四海應無買駿人  
閱世已知閑是福  
放懷始信我非貧  
林泉有路堪長往  
不逐癡兒馬後塵

偶然作三首

馬遠畫成楊妹聰  
玉溪詩就柳娘歌  
憐才終古知誰在  
長是雌亭具眼多

壯不如人老可知  
百年能有幾多時  
於心靜後名心忘  
懶惰何曾賤五噫



無位無金世所嗤廿年敝帚自矜持王符好秘潛夫論莫更相  
期皇甫規

數家山犬靜一徑暝烟昏夢中句也七月望夜獨步山中  
覺此景宛然遂足成之

片雲秋不起天宇碧無垠信步藤蘿月經過薜荔村數家山犬  
靜一徑暝烟昏更向溪深處清寒帶客魂

有感

只道歡顏昵殺人尊前宜笑更宜嘖豈知別有愁千縷曉月春  
星憾是真

擬把柔條護絳紗金釵十二果誰家平章未是書生分敢怨春  
風爲落花

舟中即夕

澤國清無夏宵分景獨偏一輪秋在水千頃碧搖天山鬼蹙裳  
去江妃抱霧眠分明珠藏近光怪映洄漩

庚子元日試筆

紫微晴旭散輕烟秦谷寒消又一年繡陌曉光風淡池畫簾遲  
日景暄妍狂呼急管陶佳節醉拘寒香媚遠天玉雪兒童滿前  
列簪花酌酒看誰先

人日仍用一先韻

山中薜荔感華年擁鼻行吟一愴然無祿虛日堯舜世不才孤  
負聖明天奚須慷慨論封事且自辛勤學種苗水雪滿懷詩百  
本他時留作谷音傳

友人見示客中書懷之作奉答二首

拙計謀生事遠游十年蹤迹歎淹留孫宏閣冷歸猶懶郭隗臺



荒住亦愁寒士自縈光範夢朱門豈應腐儒求懸知獨客詩成  
夜落木寒砧古薊州  
七哀歌罷向誰論風俗天涯合斷魂玉桂園中文字賤綺羅筵  
上酒杯尊才方屈宋仍漂泊交滿應劉少引援何似故鄉歸去  
好漆林芝木滿江村

周仲梅見示與嘿師香櫟公案唱和詩題贈仲梅韻機兼

寄嘿禪師二首

寒林有佳實圓相紛駢聯疎香洗風露如在優曇天詩僧林下  
過偶觸香中緣黃金落破衲報以瓊瑤篇主人故善謔薄責誌  
微愆新詩相折伏妙義森戈鋌初疑鄒魯闕俄似燕伐燕雖非  
一敵八以瑕攻兩堅道人本無事湛然天機全奈何不暇靜故  
以絲自牽未能離五欲安得超四禪香果滿恆沙歷劫費言詮

多生文字債公案還年年

物生自無始榮枯盈萬族造化非汝私香櫟定誰屬謂師取非  
有何者師所獨有來天不靳無隱香自足渠儂六鑿地聞根隨  
所觸有如卧瓮人隣家從飽沃渺不見吾身遑計隴與蜀作詩  
贈二妙諧語爲捧腹佳李鑽其核市道何容瀆人失亦人得斯  
言諒所服應作如是觀勿責隍中鹿

讀漢書天文志戲作

庭藩西與少微連將相郎官儘比肩何事南宮容不得却留孤  
宿落林泉

山寺梅花盛開戲書二絕句與嘿長老

姑射仙人糝玉沙暗香吹滿雁王家無人索向疎枝笑留伴山  
僧誦法華



水村曾見兩三花不似精藍絕點瑕乞與風標破幽寂膽瓶昨夜夢橫斜

游紫霞月臺

羽客當年此鍊軀山中松櫟尚盤紆藥房雲氣丹深淺石壁蒼紋字有無醉裡何因成小謫夢迴容易失清都瑤華一別歸何晚羞向山靈說故吾

擬古別離

遠別摧心肝停杯問前路烟水浩漫漫君行定何處有意逐君去無計留君住打鼓喚開船惆悵津亭樹

感事三首

天語臨軒一笑休姑蘇臺畔揀輕柔不知淝水當年事只學東山挾妓遊

專征經畧是芑苴太息宗臣作計疎父老不債客一時翹首望軍威

男兒未必可憐蟲墮地橫行亦有雄休向六經問遺事誤人頭惱是冬烘

病中作

威孤猶未正貪狼坐使妖氛日夜狂萬里關河和議在一時將吏死綏忘愁來祇覺乾坤窄病裡空餘指爪長欲向巫咸問身世浮雲無際日蒼蒼

復病

花時卧病及秋饒誰向茅檐問沈腰賴有蟲聲相慰藉草根吟入雨瀟瀟

李灌亭徐幅美人



年少相逢玉不如明珠雙繫繡羅襦  
別來消息渾如夢愁看臨風士女圖

曉粧初竟試蹙惟嬌慙由來出每遲  
不是閒階尋舊約爲貪花霧立多時

陳玉井齋中聽諸同人弦管

高齋裙屐盛風流  
絲竹陶情夜未休  
苑是上春花下酌錦茵銀燭按梁州  
紅牙拍板畫屏西  
簾幕網縷香篆迷  
聽到夜深齊入破  
六街明月向人低

白蓮寺題壁

風景撩人無定端  
白蓮蕭寺足盤桓  
朝嵐夕靄分濃淡  
閒倚僧窓作畫看

四山繚繞古漁磯  
夾岸人家帶翠微  
斜日鷺絲相次立  
櫓聲驚起破烟飛

紆迴洲渚淨烟霞  
百遍勾留到日斜  
閒極不知身是客  
却臨流水數歸鴉

牽牛花

幾點柔藍鬱褪紅  
涼痕渺渺露光融  
孤芳似識秋期近  
蔓向籬根媚曉風

清明樵詩

承平景物盛繁華  
明月春庭樹樹花  
銀燭未消弦管在  
游人爭入五珠家  
惜玉憐香是本懷  
廿年人事費安排  
半生未已狂奴態  
斜月西樓夢紫釵



風光流轉又清明羅袖招邀趁曉晴  
輦繡街連垂柳陌樓臺處  
處有新聲  
皓月偏生逐世情  
姮娥亦是世間情  
阿誰有識花陰好  
愛向游人靜處行

梨花

冷雲漠漠影珊珊  
涼月無痕寫意難  
彷彿深閨人束素  
夜來無語獨凭欄  
寒食開時似有期  
如塵如夢影迷離  
不因送客山塘路  
爭得臨風見一枝

冬日飲小姪慶恆家欣然有作者古軒原刻

郎君才地儘清華  
綺歲能交大父行  
自是桐花足佳實  
爭教屬子不飛揚

聞析

纔聞風葉下寒墀  
又聽中宵擊柝悲  
韻與疎砧相斷續  
聲隨殘角共淒其  
迢迢古驛霜飛後  
隱隱荒城月落時  
惆悵天涯未歸客  
一燈如豆倍相思

石鏡山懷古

婆留事往涕沾襟  
懷古重登最上岑  
百越濤聲秋後壯  
三吳雲氣望中深  
江山渺渺誰興廢  
人世茫茫自古今  
南衣冠此京索不堪  
遺跡又消沈

經林谷廢寺

振衣直上曠無垠  
眼界蒼茫迥不羣  
四面雲山秋慘淡  
一江島嶼畫氤氳  
樓臺物外何年寺  
鐘梵空中自古聞  
惆悵花城塵劫後  
祇遺藤薜蔓寒曛



題胡桂樵齋中盤梅五首

何年玉峰種移植草堂春消息陽和近疎香入座頻  
凍雲初破萼香雪滿晴空縞袖人來未相思明月中  
灑落一尺瓊冲寒數點雪相伴著書人風韻俱清絕  
玉鈎新月上瘦影忽橫窓宛有羅浮趣么禽啼一雙  
斯人水雪性相對意倏然一卷焚香夜南華秋水篇

明妃出塞圖

誰教玉貌遠和親馬上明粧塞外身畢竟承恩還有憾穹廬不  
是漢宮春

一時圖畫誤傾城終古丹青有艷聲絕似奇才淪落後却教寒  
地受高名

郊行即目

落燈過後賣花前嫩日輕雲淡泔天節物泥人兒女樂綠楊城  
郭鬪風鷺

芳騰烟黛遠浮空盡日閒行似畫中茅屋人家春醞熟酒旂吹  
暖杏花風

山泉

劈開青壁走輕雷隱霧迷烟屈曲來莫道出山泉總濁涵天無  
際碧滌洄

清明

清明燈市勝元宵天氣融和景物饒十里香風低繡幕六街絲  
管趁花朝幾人輕袷迷珠勒有女明粧盪畫橈日暮踏歌併恐  
晚嫩晴芳草似裙腰

暮春書贈



芹泥初長燕飛忙  
庭院春寒尚杏花  
我有迷魂招不得  
月明長在謝娘家

紫霞山城晚望  
悵然有作

時小琴姪下第寓京師久不得書

長空飛鳥外一點暮山沈  
日下知何處層城北望深  
關山悲渺渺雨雪夢駸駸  
太息隨陽雁南來滯好音

崎嶇行數里出谷忽人家  
竹併臨溪筍籬垂過岸  
花野橋依澗轉村路抱山斜  
更向烟深處幽尋未有涯

漁家

生涯憑仗一漁篷  
烟水蒼茫望不窮  
日暮泊舡何處是  
數家茅屋荻花中

寄懷小琴姪

西風吹杜若秋思滿江潭  
正有臨歧憾難忘  
遠道驂霜感寒直

北落木盛淮南歲暮高堂膳  
家貧爾最諳

泛舟周魯沿壩一帶望田家用村字韻

綠流弄清淺傍岸牽芳蓀  
行行未覺遠花柳自成村  
陽和散墟囿遲日麗田園  
源泉引新脉芳草萌舊根  
田家及春律荷鋤遍高原  
童稚亦有務短董御雞豚  
出門無異術比屋皆弟昆  
相逢時慰勞情至不煩言  
誰云力穡苦農事古所敦  
中心淡無慮至樂難具論

種桑循微經種竹滿園梯  
桑架茅屋折竹繚長垣  
甘瓜引柔綠屋角蔓蜿蜒  
雞棲與豚柵亦在修竹根  
逶迤十餘里沃壤帶平原  
溪流在迴繞畧約通前村  
炊烟出林際隱隱認柴門  
耕耘有時暇叢筮靜不喧  
即此已絕境何必尋桃源

秋夜玩月懷陳玉井



秋宵暑漸退枕簟生微涼幽人獨不寐起視明月光攬衣步前  
列散髮臨西堂蟾魄乍離海清暉滿曲房草間露漑蔭林際烟  
蒼蒼空階儼流水藻荇紛成行徘徊縱延伫離思結中腸念我  
同懷客咫尺限河梁對景想光霽願言寄短章沈吟未及就北  
斗忽低昂

月夜登紫霞絕頂

巖城昏已開出郭游未便霞山西北峙信步攬其顛宵光冷層  
壁秋氣澄遠天登臨出世界四望空茫然不知所歷高但覺得  
趣偏月露非今始江山自古妍所悲昔人沒好景無由宣  
此心無住着不繫如虛舟高下隨所歷忽忽至層邱松門月皎  
潔照我襟袖秋翩翩欲輕舉曠若憑空遊蓬萊信不遠弱水行  
可求會當凌倒景追遂飛仙傳俯視人間世一笑眞浮漚

秋懷

涼風起天末百卉失歲華淑景歸寥廓凝霜被玉墀俗流昧達  
觀感激吐哀詞神傷貌益悴惻愴不自持春華信可慕秋節寧  
足悲誰能變搖落長作芳菲時運命有醇剝善性無屯夷乾坤  
方肅殺吾道慎逶迤

姑惡

夕陽翻翻水邊落前村後村啼姑惡人家愛女婦憎嫌待女何  
厚婦何薄阿女有言阿姑聽新婦何由生百喙亦有孀姑兩鬢  
皤龍鍾半死貌饑癯一身凍餒豈足恤吞聲忍淚遭詆訶姑惡  
莫信姑便惡郭嫂夜還打婆

擬謝康樂晚出西射堂

趨步出郡齋別廡眺高岑峰巒在迴伏嵐氣靄浮沈耀丹騰初



旭橫翠澄夕陰徂暑冷始條改秋寒漸深拍拍鴻遵渚渺渺樵  
出林息耕易迷轍離羣難處心歲華凋玉貌風塵緇素衿歸休  
倘可遂寫意奏鳴琴

虞美人

楚歌聲散日荒涼故壘蕭條烟水長精爽八千招不得孤芳猶  
是媚韶陽

施玉秀尺牘題詞爲吾友潘小易作也并序

余友小易潘君雅負雋才夙馳妙譽襟期扇蘭杜之芬  
人品擅璠璣之目妙年結客盡元龍湖海之奇壯歲工  
文得司馬河山之助旣歷落以欽寄彌溫柔而嫵媚陋  
人間之春色看遍河陽思天上之名花偶來常曲所交  
施玉秀者苧蘿舊姓豆蔻雛年鶴市名姝燕臺寓艷溯

其綿徙是劉晨作壻之鄉詳厥芳踪在枚叔觀濤之里  
烟花爲憾淚明月之二分羅綺緘愁憚春風於十里自  
憐碧玉不嫁汝南願學朝雲長依和仲水晶簾下持攜  
手以看花軟玉屏中每比肩而讀曲斯亦足以暢文苑  
之勝情極璇閨之韻事矣而乃望夫有作劉采春雅善  
詞章贈外能書徐令媛尤嫻筆札一篇麝月香生芍藥  
之牋滿幅奩霞艷奪葡萄之錦碧牕春淺想見拈毫翠  
幕寒餘思量拂稿組文五色疑分學繡之絲鏤管三枝  
即用畫眉之筆例以左芬嬌女揮灑爲難求諸道蘊名  
流剪裁非易何期桃李有此傳人不謂楊枝工斯絕藝  
遂令浣花詞客願拜下風揮麈文豪競題首簡可謂亭  
亭南國裊裊西家者矣僕膏研紫荀渴甚文園烟炙綠



洋愁逾平子荔枝金帶非無贈別之言翡翠瑤釵亦有  
懷人之作而玲瓏紅豆徒解相思憔悴青荷難尋連理  
江皋已遠想解珮以何從巫岫空高望爲雲而不見詎  
意吹來咳唾似覲芳姿展盡瑤華如開笑靨花間帳觸  
十年之舊憾翻新鏡裡端詳午夜之吟魂欲碎對簪花  
而懷髻影應知見亦猶憐聞香澤而認檀痕不覺羨餘  
生妬固知名士定悅傾城深幸才人不歸廝養遂刻燭  
以覃思更焚椒而冥寫勉成小傳敢夸子政之餘兼綴  
蕪詞竊效士安之末句仿七言詩凡十絕譜玉臺之集  
未免情多揚彤管之芬不虞才盡

二十潘郎鬢未絲章臺走馬日遲遲金貂索向胡雛醉古斷名  
花第一枝

生性多情有夙因玉容無數可憐人遙知風雲明燈夜半臂禁  
寒不上身

玉兒生小出香蘿十五盈盈未覺多閒倚簾櫳看春色婦人情  
處是橫波

黃金未許買回頭薄命何心萬戶侯嫁與才人不無謂欲將名  
氏艷千秋

海棠遲日影交加每爲臨池捲絳紗儂自愛書郎小楷錯教人  
問是簪花

合歡筵上捉迷藏播搭聲中看欲狂莫便教他花下立恐驚蝴蝶  
蝶要尋香

豆蔻梢頭月上遲醉扶嬌步踟躕惟羅襦乍解聞香澤不是檀  
奴不得知



自從別後謝鉛華幾度凭欄到日斜  
密字關心須記取莫教風雨泣梨花

綠羅手帕寄郎邊似妾分明在眼前  
縱使餘香經兩歇波痕點點故依然

休言地老與天荒但有癡情願可償  
他日繡屏重開宴爲郎歡喜貼黃花

白蓮

雅似天然不染身月明風定見來真  
生綃一幅亭亭影喚起陳王寫洛神

茱菊

憶昔重陽倒酒壺插茱簪菊任招呼  
年來嘯侶皆零落腸斷秋光入畫圖

秋海棠

才燒絳幘護春葩又見西風暈淺霞  
總有淚痕拋不得斷腸顏色可憐花

臉暈如啼憾未消脂痕微褪故妖嬈  
最憐一掬懷人淚散作秋紅持地嬌

海棠

露華烟態媚春嬌薄暈痕生鏡裏潮  
無那睡情堪領畧不須燒燭照深宵

峭寒多恐滯芳心嫩日烘晴更不禁  
無限花時憐惜意綠章我欲借春陰

嫩日烘暹半欲蘇芳心嬌惰不勝扶  
綠雲半鞦紅酥膩一幅華清春睡圖



牡丹

尋常不作牡丹詩，恐被花神笑。不宜今日零星三兩朵，濃香猶是半開時。

瓊島瑤雲瑤圃月，嫌山紅雪赤城霞。天香合在諸天上，錯被人呼富貴花。

鳳仙

絳跗金翅影，離襪繞砌行。吟有所思，幾度風來疑。倒挂香香名，字本相宜。

珍珠海藕漫相誇，紫禁曾呼好女花。金甃銀泥應有分，何因流落野人家。

疎花催放媚涼天，淡點宮黃嫩着烟。記取斜陽金粉地，一枝搖曳麴塵鮮。

新黃幾辨影，霏霏染就鶯兒色。尚微恰是內人梳洗罷，淡粧愛着道家衣。

讀曲歌

落花語蝴蝶，此別何時見。願假區區誠，啣住學雙燕。

江南曲

芙蓉不春開，坐待秋風來。秋風爲吹了，不道早涼催。

芳洲曲

美人昔攜手，楊柳正芳菲。日暮蘭橈去，楊花撲面飛。

和友人無題十二首 存八

繡幌璇題接畫墻，昔時曾住永豐坊。已憐元相稱中表，未許檀奴預末行。傅粉共盤紅綬帶，熏香爭佩紫羅囊。繞床竹馬年方少，誰省微波足斷腸。



幾載烟波別玉真瓊樓重見寄花人露涼紅粉穿鍼夜風暖青  
蘋被袂長裙褶吳綾分燕尾釵梁楚玉刻魚鱗名香倘許經行  
共敢向芝田擬洛神

櫻桃欲謝掩重門肯爲春殘一愴魂珠佩自稱羅夢綠瓊函曾  
事魏華存牌分碧樹占花信釵畫紅欄記月痕更蘸泥金書玉  
檢銀鳧縹緲麝烟溫

鬱鬱金堂北玉欄干竹密花深欲到難燈下瓊簫聲引鳳烟中彩  
扇畫來鸞梧桐月轉珠簾靜豆蔻香消寶篋寒小疊紅牋何處  
寄連絲點點濕水紋

紅輪碧瓦夢迢迢不列三星在此宵鶴館靈仙懷許椽魚山神  
女降弦越低鬟細語瓊籤靜擁髻微吟桂燭消晴雪迴廊殘臘  
近蠻牋十樣頌春椒

橫塘東畔柳如絲約畧春寒病起時錦榭花深鶯睡暖玉堦風  
急燕歸遲香濃屈戌間調瑟雨潤罌恩晚鬪棋取次踏青時節  
近玉孫芳草最相思

雲母屏空閉玉除隴西上計感離居吳綿夜冷相思淚蜀錦親  
裁遠道書菡萏香消露落後蒹葭風定雁來初擅奴從此成漂  
泊誰理明璫伴曉梳

朱鳥紋牕掩碧紗嬉春懶上七香車綠池過雨生芳草青瑣無  
人落杏花寶帳獨看圍蛺蝶清歌誰共譜琵琶最憐紅板橋南  
路官柳絲起暮鴉

歲暮述懷柬陳公子

詩社銷沈已數秋歲時還續舊風流驚心歲月雙蓬鬢失路河  
山一敬裘壯志已隨憂患盡菲才合向亂離休不知畫戰門前



路誰卧元龍百尺樓

落葉定本

風景相看歲暮天蕭騷何處不堪憐烏啼別浦潮初長帆落空  
江月正圓思婦魂銷青瓊闥離人腸斷木蘭舡流光瞥眼涼如  
許須爲芳草一愴然

一夜西風動素波紛紛涼葉下庭柯即看芳樹痕都減每到斜  
陽落更多飄泊遙連雅影瘦刁騷時共雁聲過分明一段荒寒  
景流水孤村帶薜蘿

寄懷叔園主人

斷送春光返玉京個中消息暗啼鶯四時難得三更月一夜無  
端有五更露重不堪花獨瘦愁多輸與月常明人生如夢還如  
水流入西溪恐不清

咏簾

綠楊門巷裏十二碧簾勻預設籠鸚母安排坐美人宵明難住  
月風雨不禁春莫把銀鉤捲落紅草是裊

秋闈報罷留別董霞樵先生

琵琶聲切怨迴風越女臨歧憾不窮心占蒲帆潮上下人分棋  
局路西東荒涼古驛蠻烟外平遠吳山夢寐中此後相思談往  
事蕭關黃葉暮雲重

十年劉蕢更傷情瘦馬雕鞍倦客程人以千金鑄詩句天將一  
第老才名大夫有淚生原厚志士長貧願已輕匹馬東還我何  
意大江飛鳥隔層城

咏古

斫劍悲歌楚健兒建牙吹角亦多時無端聽取銀箏淚消盡英



雄總不知

金徽一曲倦遊人，閑向臨邛寄此身。賓客不生揚得億，紛紛皆道長卿貧。

樂府新詞號後庭，臨春檀板不曾停。君王漫唱瓊花夜，江北江南楊柳青。

玉鈎斜畔落花輕，芳草青青暖復生。猶有一抔莫，紅粉景陽宮井不勝情。

二十六州繪金粉，五千里路入龍沙。烟雲一角宣和畫，剝水殘山是趙家。

憶昔

憶昔裁詩屋西角，夜半燈昏敲鈴索。美人遺我銀鮫綃，秋雲膩滑蘭膏薄。鴛鴦試剪紅綽約，淚痕香淺不堪着。搔步去後一千

年雨泣雲愁兩杳然，玉環擘碧春無色。花房宿霧風太息，三十六宮喚遍天才鬼。冤魂招不得。

石榴

金谷卿無分，玉樓高百尺。端的屬阿誰，稱名道姓石。

中秋夕偶題

梧桐葉落露瑛瑛，鎖院深沈夜漏清。畫角初殘人已靜，曉鐘欲動燭還明。天香風遠知仙桂，廣樂音和識正聲。曲罷羣仙齊拱手，滿懷心事一時生。

國士篇

王孫昔蹭蹬，屈抑爲人傭。氣高志不下，才大無所容。乞食淮陰里，憂羹邱嫂鐘。去去豐澤中，拂拂魚竿從。亭卒侮其愚，野人欺其庸。賢豪當促踏，一飽願已終。得魚志速死，世豈有真龍。顧自



盤飧惠反增志士悲臨食復長歎掩挹淚沾襟人生貧賤日風  
塵識者誰君自落拓耳何勞阿母知厚誼遽云報在心亦已苟  
安得刻肺腑與君同不朽古來豪俠士刎頸等輕塵吹簫吳市  
客寂寞漁丈人相知亦未過感恩豈及身奈何貴人意徒失老  
母心可憐周社屋眼看秦氏淫誰爲捲黃河一洗寰宇殺丈夫  
會有期風雲致自今聲名垂竹帛願得千秋故馬能事豪舉甘  
爲兒女悅此意良復厚所報亦云深豈不懷一飯邈矣千黃金

屠狗

屠狗毗睚市毗睚恨未伸拉人看擊劍鼓掌話邊塵身世誰知  
已平生有故人天涯還遣成長謝酒家鄰

賣刀

祖父耐功第封侯舊寶刀饑寒三尺鐵落魄五陵豪賈重知先

世恩深感鬢毛家聲悲歎已慚愧憶同袍

扶策

未了三千牘翻隨十九人書生真有道渴睡更要津齒冷談方  
略宵深話鬼神准陰年少子羞作扶書陳

題韓冬郎詩後

曾從成紀拜星郎便許堦前作鳳凰詞句有情耐骨月淚痕無  
分憶君王已亡江表難爲漢但有晉陽不是唐腸斷中興三百  
載座中誰是郭汾陽

友人席上留別之作

六幅銀屏一扇扉畫樓深處下簾帷櫻桃夜月仙家酒紅杏春  
風客子衣款我正逢好時節忍君何以對斜暉殷勤莫漫爭投  
轄是此風光未便歸



後漢書趙壹傳

萬里投身志已捐  
羈人籬下受人憐  
古今若個趙元叔  
義手三公只邈然

見說王侯能禮士  
無端前席更窮途  
年來風俗儒冠賤  
我是高陽舊酒徒

暮春小園

曾是仙家積翠園  
夜寒無奈病靈微  
桃花欲嫁爭勻頰  
燕子泥人故浣衣  
去日已悲心事錯  
來時空記夢魂非  
看者又是春三月  
忍見東皇唱別旗

鸚鵡

生就綠衣好佳人  
看更憐紅眠花架  
穩舞葯欄鮮有意  
教般若無心啄翠鈿  
玉環愛毛羽相對過年年

看

題右湖班姬續史圖

吳生翰墨世無敵  
愛畫工夫獨成癖  
弄筆掃作漢班姬  
持向人前驚未識  
鴉髻鬢半蓬  
鬆香腮脫略掩微紅  
夷猶綽約神人姿  
道是東觀續史時  
東觀故事我能記  
東觀人物今見之  
硬黃繭紙堆滿案  
珊瑚硯石玲瓏看  
纖手故作推敲狀  
明心直與阿兄貫  
波點部次妙有神  
以心應手敢不真  
千秋風雅扶塲客  
一幅裙釵絕頂人  
古來名手如林立  
率皆胸臆非正則  
仲朗生憶朝雲好  
抵死喚作裙邊賊  
坡仙只解學麗人  
背面春風無氣力  
何如吳生匹練列  
開粉本爲生面  
吳生讀史如讀畫  
一波一折各有度  
飯後洒然傾吐之  
史情畫意齊奔赴  
始信文章無常師  
棄取長會其宜  
吳生直欲以手教  
喚醒世人徧告之  
吁嗟乎丹青何處非陳跡  
丹青何必非新奇



秋杪上方留話

遠水雲山一雁飛無端秋思隔重圍  
亭臯落木關何事知是禪  
林解脫機

山居

笑把浮名看是雲儘將清福抵功勳  
儂心天已安排定明月三分花二分

春興

幾日情懷最可憐斜風細雨柳如烟  
愁聞花事經三月未辦青  
衣過一年酒後自書游俠傳人前  
閒寫絕交篇五湖烟水知深淺  
蘆荻洲邊理釣船

有感

萬縷垂楊手自栽欄杆深護好樓臺  
憑誰唱徹遊仙曲始信人

間不再來

嘲杏花

緩袖輕衫不得寒羅幃珠箔任憑看  
自家無主休含笑何處多情解惜歡  
紅淚彈來春隔座香鬟卸下月臨欄  
即今嫁與東風去未必郎名便是檀

戲作齊梁體

美人意無聊起坐不崇朝夢裡銀條脫  
春歸錦步搖明眸藏心事薄臉暈紅潮  
啼笑兩無着閒情不事招

杏花妝閣圖

十八雲鬟梳掠齊嫩寒香裡鬪芳菲  
名花亦解憐傾國開倚妝臺不忍飛

湖上襟詩



垂楊匝岸送橫波  
臺柏風搖鈴索和  
兩度翠華臨幸地  
野人家  
少寺門多

袈裟半臂透龍文  
上客車塵馬是雲  
見說當年功德院  
老僧鐘罷坐斜曛

桃花紅映青冬樹  
此景須教上巳來  
一個忠魂一香骨  
鷓鴣飛去也低徊

小遊仙

絳闕琳瑯寶露團  
玉宵影邁五雲寒  
入門爲問長生事  
捧出紅丸碧玉盤

朝日蓬萊列五真  
宵回暗換一千春  
笑他奴輩渾閒事  
借把黃金點化人

無端下界足勾留  
紫鳳嬌驚汗漫遊  
有時岳陽吟絕句  
一江明

月萬重樓

一聲仙佩響紅牙  
十萬雲鬟隔絳紗  
新拜玉皇香案客  
不司明月只司花

東海揚塵又一周  
榆花早晚近前流  
儂家碧落雲軒裏  
有個人兒試點籌

玉帝傳宣到上方  
八鸞翔舞入班行  
有人夜半偷歸去  
獨立桃花憶阮郎

乞借颺車下夜臺  
銅鑲好爲使君開  
儘將百萬犀香獄  
吹向紅雲頂上來

小姑詞

鳳凰衫子綠雲鬟  
低拂雙娥月一彎  
斜倚橋邊看楊柳  
何人夫婿玉門關



也隨女伴去彈也解金釵寄遠人獨有春風無着處遠山眉上  
不曾顰

虞兮詞

虞兮虞兮奈君何千秋爲之涕淚歌烏江水冷愁雲黑血染羅  
裙歸不得冤魂繞地光璀璨東風欲吹吹不散紫燕黃蜂滿行  
路春來不入上林樹漢王未必真天子美人可惜刀環死

碧玉

碧玉銷沈日琵琶出塞年清才天亦妬薄命鬼應憐滿月方纔  
好青春錦未薦何因來鸞鶴一去已翩然  
幾日梅花開新粧罷曉鬟無人投玉杵有客覓金環小小裙邊  
月青青臉上山一般齊拚起無奈是紅顏

送秋槎夫子入都

梁中有客賦驪歌臘盡江南水尚波白雲聲流雲裏青陽  
和史近日邊多心隨絳帳思難忘志在名山事豈訛相顧不  
禁淚別淚四千里路眼中過  
平生奇字感心傳拍馬分攜一概然此去豈云因何見監當  
年人自重齊賢鴻毛借復風千里龍角排空霜滿天 上  
大羅誇勝事五雲開處見神仙  
青箱事業舊聲名入洛詩應滿洛城五轡衣輕遮去路三江風穩  
散行程邨墟野老談時代風俗人家問性情客裏壯懷容易好  
一篇寶劍夜深鳴  
莫怨瀾河行路難故鄉知己尚懸桓桓桓時清屢下轎車拜  
身健從知旅食安槐市笙歌催祖道都門雲物索彈冠東  
山猿鶴無留意夢向秋風借羽翰



感懷

玉少年十二援筆學作賦十三受管秋散言得其趣十四讀尚書云  
是帝王務十五學軍由恍惚若有遇何嘗輒廢學日與賤者  
驚三千悔無成辜負寧馨譽英雄與神仙所志兩不酬長風  
千萬里吹余蓬萊洲蓬萊不可望弱水回輕舟仙人與我言何不  
佩吳鉤躡鵝鴨復躡鵝蒲柳感三秋瓊樓隔縹緲灑感陽半松  
楸借問郭令公何如李郭族

括蒼道上

轉出山隈向水隈一邨別過一邨來平原十里牛羊路淺  
艸寒烟放雉媒  
兩三間屋蓋茅茨離落花時菊滿枝恰是故鄉秋社飲日  
斜鴉散稻梁時

贈丐者李髯

流落江湖着此身猢猻鼠子亦通神銅鈺敲罷先生唱天地無  
情老不春

戲贈白頭翁鳥

不知小鳥緣何事也向花前白了頭白頭  
語耳然却自然暇日做昌谷體製此解嘲

幾回天上築花墳乾死菖蒲壞蝶裙老去尚堪花底活神仙應  
道不如君

七夕

芙蓉泣露秋香落蘭房女兒窺繡幙北斗橫空天四垂銀河無  
聲塵漠漠填橋烏鵲睡未醒蓮花咽漏妬娉婷高檣暖玉不成  
醉仙雞清唱漂回星十二瓊樓天中起雲母屏風捲秋水青絲  
絡月貼寒空涼蟾夜落千山裡星娥手折紅桂春深入洞房不  
見人燭花紅死淚痕淺薰香不斷繡羅中雲輶東望歌緩緩玉



機金梭愁無伴隔年心事隔宵人憾破天長驚天短

聞秋槎夫子失意東歸感而賦此

天風吹斷紫簫聲罷奏霓裳下鳳城小草山中猶問訊蒲仙海上俄歸程投懷自珣隋明月失路人驚楚白珩我是韓門病張藉夜闌聞說不勝情

題文文山先生畫松

永嘉徐氏有文文山畫松一幅其家寶之余考南宋襟事諸書無慮數十種從未有言先生精繪事者意國變後流宕江心偶一染翰自寫其巖凝凜冽之苦心歟第流傳甚隱又爲一家所秘都人士無從拮據舊聞表章以傳其事殊逸職此故耳如以爲贗則先生無畫名好事者類非憑空作假此可以理推也暇日作詩以紀之

斷素流傳豈偶然水霜猶得認前賢若非神物來天眷定有精誠貫日邊掛壁影摩千尺雨開函痕帶六陵烟多情尚有王孫竹憾滿蒼梧亦可憐

圍爐

誰共凌兢歲暮天一枰寒絃舊因緣人來殘雪疎梅外詩在明燈曲几前煨芋餘甘懷舊侶添香清夢憶當年慚余學會燒銀訣長傍紅泥俟白鉛

領取寒齋興味饒圍來曲尺勝團蕉塞帷似雅春先到捲幔方知雪未消每愛詩成仄屢撥偶因談劇酒頻澆書生翠被原無分只合銅匱伴寂寥

繡鞋香囊爲李鼎臣題

未跨羅襪蹴鴛鴦已有柔情託佩纓料是教郎燈影畔並房憐



取欵

讀書僧院寄琴東

烏柏橋南寺招提一徑斜嵐光晴不斷瀑響夜加還此地餘雲  
液相將採石華前生饒道性飲罷課三章

桐廬舟

嚴陵灘下路茅屋自成莊漁舍一星火江天幾點霜潮聲寒瀉  
石風影淡垂楊宿昔江湖夢羊裘願未償

定海鎮總兵葛公壽春鎮總兵 公處州鎮總兵汪公定

海死難詩

將星三隕夜淒涼知勇由來首受殃誰料狂姦疑跋扈直疑淫  
潦助披猖血書痛切援軍絕恩意潛孚士氣揚太息樊籠屈修  
翼不教長馭靜遐方

飛砲連天勢不堪力窮守禦更何慚孤城已陷我猶懾死士無  
多戰愈酣午夜英靈歸竇一時忠義冠東南汗青他日書名姓  
彷彿事可參

有贈

見說柔腸斷關心爲薄才錦衾虛半席佳茗貽深杯愧我浮蹤  
渺累君懷抱推風花鏡憶緒莫上望春臺

珍重憐才意頻年問起居吾生猶蓬蓽之子信瓊塔夢綠應多  
讓雲英定不如何時倚鏡檻在苒看朝梳

寶香寺拜卓忠毅公像

孤忠逸事竟誰傳落日憑欄一泣然騎虎路荒秋草滿讀書齋  
破碧蘿纏山僧留客瞻遺像野老迎神上墓田徑欲招魂向何  
處數株楸樹鎖烟寒



晚遊萬松山寺

古寺飛寒葉晚來霜氣深江天澄夕霽巖岫散層陰時存三秋  
別登臨百感浸茫茫身世事對此念升沈

題天王寺嘿禪師淨空

祇園有尊宿招我上方游地迥山當戶天清樹入樓自然塵念  
息始信道門幽即此堪禪寂何須定沃洲

詠史絕句

意氣傾人事偶然論交偏抑廣川賢千秋萬古平津閣不及黃  
巾拜鄭元

琴心誰識倦遊身詞賦難誇門下人賓客不生楊得意紛紛皆  
道長卿貧

朝廷不起謝安石天下蒼生奈爾何原廟松楸應有語論功爭

比宋公多

讀史

粵嶠吳雲萬里天紛紛帶甲滿霜前黃巾何意輕覩楚青犢誰  
教擅入關華表他時應語鶴臺城此日又聞鷲山河百郡雄如  
故橫草無人信可憐



碑

琴玉山房文鈔 附錄

瑞安蔡世楨玉生父著

署瑞安縣知縣孫侯去思牌記

歲之十月父母孫侯將卸篆代侯者將至士民不忍侯去而謀所以留之者以不果於典例而止比侯行有日士民更相與謀紀侯之政於石謂侯去而德在民而吾以鏡之於石者垂諸久遠侯之德庶幾其長留也當是時瑞人無少長老稚郵乎如有所失於中甚者扼腕廢聲號呼奔走涕被不能自已蓋侯之得此於瑞人非直補苴爬剔斤斤以吏道自守殆所謂具至誠惻怛之懷而能與民相見以天者也傳曰至誠而不動者未之有也侯之所以動民與民之所感於侯者至誠而已矣侯以三月蒞瑞以十月受代去視事凡七閱月政無大小悉衷於道其不



便者革之甫下車篋中積牘數百皆鄉民所守而待理者侯至呼兩造於庭隨其曲直手判而口喻之案次第結皆頓首輸服侯居官嚴正不徇請托其言粹然無吏氣公餘常常一編焚香匡坐而未嘗有惰容獄獄以虛不設成見而未嘗鈎距人隱離署之日行李蕭然襍囊敝篋外無世俗玩好之娛瑞人每欽其風采目為真父母不置夫人日出其至誠惻怛以為疲瘵之民相長養因其風俗順而施之羽翼涵濡以相煦育不必有殊絕異能之事而歲月悠長民氣恬愉觀政者遂以為太和之治不外爾已何則氣神於未事之先者純儒經術之用所周決為無窮也不然多欲而隱與夫慘刻狹隘之為則雖日取斯民而抑搔之督厲之積月累歲久而益勞吾未見其可也侯於瑞攝也蒞治之日又浚手版簿領同此鞅掌而一時輿論翕然謂能水

火而祗席戎者

夫民有心知度不可市此必有也侯

嘗自言吾生平無他藝能所兢兢自勉者力求不欺而已夫不欺則不匿其志不匿其志則無所飾於外以負其所學此中懷愷惻為何如也太和之治久而化成殆基於此矣士民既惜侯去遂於侯之嘉惠瑞人者臚其一二以為父老歲時謳思之慕且以為後之父母斯民者告焉是則士民之志也侯源字滌齋滇南楚雄府楚雄縣人道光丁酉拔貢甲辰進士即用知縣法皆宜書

胡玉京畫石冊子序

胡君玉京吾邑風雅士善畫能書予耳其名心向往之而拙於酌應未嘗通款曲也今年夏泰順潘小易寓其家香雲別墅因介二三好友朝夕過從得與玉京盤桓者累月憾相見之晚玉



京出所藏劉公耕雲花卉及是冊見示予既序其花卉矣而是冊畫石尤具作法無時俗礪礪習氣蓋其家劉松年而運以己意者也予向謂品畫家石與品生成石不同生成貴縹貴瘦貴透兼此三者爲難若畫家則隨手取勢縹瘦透皆非所難而一種堅蒼樸勁結構渾成尺幅中不啻有拔地磅礪倚空道上之觀斯爲難耳若夫嵐翠鬱紆樸人眉宇筆墨痕迹盡化雲烟此則神乎其爲技矣冊中所畫雖未能驅使筆墨盡化雲烟而一種堅蒼樸勁結構渾成所謂拔地磅礪倚空道上之觀則固未之多讓也玉京作家於繪事一道可謂三折肱矣願以此乞質之玉京當必有以教我也

劉耕雲折枝冊子題詞

四明劉武備耕雲爲其友胡玉京作折枝畫冊二十幅着色無

多而韻致天然宛似最高枝上曉露猶濃含苞乍坼折自風中者體物之妙浸浸乎優入徐黃之室矣今年夏予訪友香雲別墅玉京出是冊縱觀友好輩咸愛玩不忍釋手因各題詩於卷以誌欣賞劉公性度蕭閒有儒者風山水人物翎毛花卉皆臻能品書亦洒脫饒姿媚初由武舉官吾邑千戶士夫多從之遊戎務暇輒迅筆揮灑頃刻盡十數帋已毀裂之無一存者好事者乘其未毀恆攜取以去其風趣往往類此會逆夷犯順舟山陷沒長吏以公材檄署鎮海守備遇賊力戰死嗟乎公豪傑之士也觀其授命疆場視死如歸雖古之畸人何以加此致所作翰墨率皆秀媚娟婉不類其爲人何耶予嘗抗論古人竊怪陶元亮之著閒情宋廣平之賦梅花韓致堯之詠香奩亦皆秀媚娟婉柔若無骨及其臨大節當大任風采偉然不少屈抑能者



之不可測固如是乎然則公之折枝即元亮之間情廣平之梅花致堯之香奩也我知筆墨有靈上訴真宰閱歲月歷冰霜其不可磨滅者當必有爲之呵護者矣後之覽者即是冊而想見其爲人亦知人論世之一助也倘謂調銘殺粉斤斤焉夸能於藝事之末此則烏足爲公重耶

嗜古軒贈言錄序

贈言錄者小琴集諸前輩及同人酌贈之所作也小琴於書無所不窺詩亦沈鬱有浣花青蓮東坡遺山諸公風度顧生平喜導揚人善凡文字韻語斷句尺牘之佳者必手自抄存珍惜護持不忍聽其散亡汨沒者意殆有在贈言錄其手鈔之一種也竊意文字之消長氣類爲之我作之我讀之苟無一人焉顧而問之其人亦遂聲銷響滅廢然倦矣苟一人作之衆人讀之酒

關燈炮猶然抵掌而舞蹈之其或衆人作之一人讀之風雨閉門爲之紬繹而品臨之則人人爭自濯磨以蘄一日之長而心思之用遂見其日啟也然非甘苦默喻息息以笙簧鼓吹自命者久之亦第見其度塵架閣散忘汨沒已耳甚矣小琴之用心爲不可及也異日提唱宗風闡揚幽隱爲一代騷雅領袖我見宏獎有人斯文賴以不墜則不僅茲集之與谷音江湖後先輝映流譽菰林已也

節婦王孺人傳

節婦王氏瑞安人年二十五歸諸生葉介封歸數月介封卒無子節婦欲以身殉姑力勸止之後十六年姑卒又十三年節婦五十三邑人胡姚黃仲榮爲請於當事旌其閭曰節婦又二年其胞弟肇槐屬余爲之傳且曰甚矣我姊之窮也幼而慧長而



孝甫嫁而發始猶姑息相依如母子也而今益困憊然才立勞而多病又所遭無意外絕特之事足以警人耳目謂旦夕委骸骨以從其夫於下地則一生苦節姓氏不復可知矣敢以是請若閱其無所表白不得與世之奇烈者比也夫節之與烈豈有殊哉特其所遭之過不同耳且節未有不烈烈亦未有不節者或者不幸身羅大故盜賊逼迫於其前鬼域潛伏於其後當此之時計惟一死以完我節雖赴湯火蹈白刃而皆有所不屑避也其烈也即其所以為節也若內外清夷瑕釁不作早歲孤嫗潔清自愛讀柏舟而意遠懼惟薄之垢深礪志水霜凜乎其不可犯含辛茹孽以畢其世其節也不得為之非烈也今節婦不以結褵未久而慊然於其中不以無子可望而輕身於一擲緯蕭織絰生事卒葬以奉其姑歲時祭祀孟飲隻雞以奠其夫之墓

與寢三十餘年於茲矣彼其所知者義也所安者命也以義命自處者是古仁人志士之所務也豈必驚耳目殘肢體委身豺虎之區而後謂之激烈也哉如節婦者可以風世而厲俗矣節婦之生也以嘉慶二年其孀而孀也以道光元年父 世有隱德母項氏著姓以節婦故法得具書

李母曾孺人六十壽序為友人陳琢如 瑄作

余及門李子蕪仙弱冠補博士弟子有聲與先篔園弟蓉初蓉北事其母曾孺人以孝聞今年孺人六十蕪仙書來徵余一言為壽余交於李氏者兩世矣孺人之內行向竊耳其一二有足光形史介眉壽而貽後人以福祉者是不可無以張之也孺人為潤甫先生之淑配而毅齋公之冢婦也既饋而董太孺人在養孺人所以事之者禮無弗備太孺人嘗言吾中年以前恆善



病賴吾媳賢有以淡吾慮而樂吾志歲月優悠寔以強健則吾媳扶持將順之力也觀於此而孺人之爲婦可知矣潤甫有弟年三十餘貧不能娶孺人乃盡徹其簪珥爲叔納婦是則孺人善承夫志而能推恩於其同氣者也潤甫家貧好客有南陽樊氏之風客至必留飲餼烹燔炙曠日數十人咄嗟可辦問之則孺人拔釵沽酒充厨侍以贊成其事者也憶余與潤甫交最久潤甫有口辯善調謔其議論往往出人意表尤長於說往事凡可喜可愕可嗚嚟絕倒者騰其口抑揚而高下之靡不盡態極妍余故樂與之游歲辛卯余計偕北上潤甫送余豐湖比余南旋喜甚通謁交知命爲平原十日飲自是踪跡益密良時聚會歌筵舞席余兩人無弗預且命其子蕙仙從學蕙仙修然自束恂恂儒者余方羨其有子不料潤甫之遽舍余而去也甲辰冬

謁選歸因訪蕙仙見其四壁圖書皆宋元人墨蹟案頭經史丹黃鱗次爲余具伏雌之饗茶香酒冽醢醬調美中置余笑而曰昔茅季苻殺鷄進母自以菜茹與客同飯郭林宗稱其賢至爲下拜子有老母無乃不給於鮮而顧爲我設可乎對曰自吾先人在日門外常有長者車轍今以之無似而夫子惠然臨之吾母惟而聽客以夫子爲先人至交又爲受業之所自出故喜而爲魚菽之獻非意也余聞而益賢之今孺人康強悅豫蕙仙偕其伯兄幼弟媿媿膝下相爲祝哽祝噎以娛其親謂非茂德令儀足以昭彤史介眉壽而貽後人以福祉者哉余知異日有以文章通顯乃吏治推擇爲大官如漢公孫丞相之爲人者必蕙仙與伯兄篠園也因書以娛

潘母周太孺人七秩壽言



余友泰順潘君小易博學善書能文章與海內諸名流修敦槃之會於京師甚久既而浮楚湘循沔鄂走滇南萬里外迎其尊慈周太恭人歸闈南郭之園葺屋數楹以爲怡神葆性之所而舞彩稱觴於其下插架圖書縹緲玉軸有唐宋銜府之秘本焉博古彝器青紅斑駁有丁公癸父之鬻尊焉與夫璧羨肉好金石摩勒梵文貝葉之書異國雲螭之字所以娛高年而樂蔗景者既詳且備今年九月太恭人七旬悅辰小易亦屆強仕士大夫以余之習於潘氏也屬余一言爲壽余屏息荒江不與時髦競聲華久矣其何以揚太恭人之德而著之彤史無已請据所聞於其鄉之薦紳先生者以壽余何敢以不文辭乎太恭人爲新城縣學博士人公子候選同知韜溪公之長女其嬪於潘爲明經 公之冢婦癸酉拔貢雲南麗江府麗江縣權署琅井

提舉易門先生之元配也幼端敏有至性讀書知體要每欲以尋常女史自命年十九歸易門時明經公猶在養太孺人雞鳴即起盥頰而隨其尊章以朝於太翁者日三潔脩醴奉饌施媿媿以敬容順而視下一如其事父母也鄉之人於是稱其孝焉易門家貧常有四方之行太孺人指柱門戶勤而獲濟乃能以其餘力贍諸親族之急者其隨任雲南時荆釵布身操作如夙昔清俸所入益以廣其所爲贍且施者而不以自私鄉之人於是稱其惠焉易門拔萃後久滯都中家有兩男長者名纜五七歲小易甫免乳太孺人字而教之經史皆所口授稍長手錄百氏之醇者爲之解說而督勵之曰汝曹熟此進則可以淑世退亦不失守身之正見俳詞艷曲則禁絕之火其書小易兄弟用是名譽日起爲世鴻生所與游者皆一時間人富於撰述者



鄉之人於是稱其慈焉其尤難者易門屢躓鎖闥將從刑名之學太孺人力勸止之曰君儒者非刀筆才不可且吾見今世之決獄者矣非多置無辜於理以誣律即抑揚乎律以任情此豈士君子之所爲耶其安貧好善不趨聲利如此是真能相夫子以德而培後嗣以福者也太孺人治家嚴肅不尚文飾諸姑娣姒阿保憐媵遇之咸有禮法性好道喜茹齋教乘論藏多所參究嘗言一切書傳皆當觀其無文字處非善讀書得乎儒釋之合者不能道也尤精繪事 吟詠著有羣玉山房詩畫錄其大幅山水無地勢而尊不蓄積而富方諸黃大癡張子正筆力雖若不逮而曠遠綿邈似爲過之昔人謂畫家多壽 多壽言其清虛得乎最初之氣者壽之徵 太孺人澄心慧澈湛默真如凝神毫素芒忽 無爲爲宗與造物者

游而復重之以孝恭廣之以慈惠其於得壽之理豈有外歟今太孺人堅強暇豫齒彌高而行益劭子若孫遵循膝下進七秩之觴門徒姻親各以其序肅拜前爲壽爵行樂作庭實維旅珠玉簋組餼牽體薦之物有加鄉里聚觀以爲盛事余以行李匆匆奉醴酒執羔雁追陪士大夫之列乃太孺人之內行質舉平日所習聞者書之以爲升堂之獻俾小易還壽其親而因以自壽而區區人世祝釐不足爲太孺人頌也

祭項午橋先生文代作

惟道光二十七年七月三日業師午橋項老夫子以疾卒於正寢春秋六十有七嗚呼哀哉泰岱峰傾少微星隕一老不遺百身莫贖寂寂夜臺痛著書之未竟悠悠泉路悲問字以無從緬懷舊德愈感遐思極文人之五福慨遺憾以三端每有字昧躄



鷓人訊齊駱侍郎來伏膺之稱學士貽弄聲之誦王家敬則但  
曉 高貴鄉公不知反語此皆高軒繡戟衣紫腰金先生則  
筆底陽春胸中秋水讀九邱八索之書學由博古黜諸子百家  
之說意在尊經而乃劉蕡遺策傳遍人間羅隱成名空留身後  
誰給相如之札遽丁化鶴之辰未彈貢禹之冠即會泣麟之日  
斯其可憾一也亦有柳詒多年瀛王長樂無才無德任他老子  
癡頑不識不知偏是庸人多福先生則天球不琢玉井無波周  
茂叔光風霽月即之也溫山巨源璞玉渾金勝人以度而乃司  
馬能文難繫消渴史魚備德致痛遺尸子與易箒猶遺訓於淵  
冰大令琴亡漫乞靈於筆墨斯其可憾二也抑有感焉尤其甚  
者周家蔡仲令子蓋愆漢室延年殘人昌後清河酷吏乃門安  
世之於湯江表畔宗詎料沈充之有勁彼關西清白四世傳家



許國文章兩朝嗣美三槐遺蔭天爵王祐之賢五桂齊芳人羨  
竇鈞之教潛德無不發之光固其然矣積善有必興之理又何  
論焉况如先生之修身似玉守口如瓶顏子淵生無貳過樂寄  
箴歎謝良佐但去一衿論通性理乃以龍圖之德偏艱熊夢之  
占伯道無兒莫 堂構中郎有女空耀門楣斯其可憾三也所  
幸者馬氏威卿不墜將軍之志袁家景倩終成太尉之名人生  
中壽已得援達儒齊物之觀身受全歸當不昧太上忘情之旨  
嗟乎禮備哀榮名留著作道林拱木不知神理之彌新南郭放言  
等彭殤於一致既遺範之長存寧有生之怛化第某等幸廁宮  
墻獲依函丈愧賤質之葑菲荷名賢之繩削方冀遂逾短羽竊  
附翼於高天那堪踴躍祥金失承模於大冶十年立雪誼既切  
於平生一旦 雲感更深於疇昔董惟人去剝有殘編鄴架塵



封空悲遺硯謹陳芻束薄奠靈幃藉椒醕之清芬佇仙旂於彷彿自慚無術參河汾弟子之班擬展私情製柳下公孫之謚爰爲斯誄以告哀詞詞曰夢夢天心茫茫人事大雅云亡哲人其逝先生之德美玉精金先生之才覺古窮今秋風點額歸而杜門淡泊明志得意忘言有善不矜有勞不伐偃蹇自傷明經白臘老而益壯窮且益堅牙籤百軸風雨一編每憶師門執經問難辨晰諸儒說排兩漢是何矍鑠定享期頤不因奄謝遽至於斯三載沈疴一朝永訣梁木傾摧文星隕滅誰爲表揚方干及第誰爲嗣續白家阿寄寂寞門牆淒涼骨肉孫楚悲驢長沙賤鵬長號風哀歌變徵抑亦有言我聞如是生作通儒死爲才鬼遮須有王荅城待主鞭獅佛國驂鸞帝鄉大羅天上三車翔翔於傳有之斯言非戲靈倘在茲死亦何懟哀樂循環吉凶倚

伏勘破本來萬古一宿然果如斯纏悲益切今昔同傷生離死別惟仁者壽理以永貞煌煌聖訓乃亦無憑何謝東閣而往西方何辭白屋而入房漆燈熒熒總帷漠漠敬撰蕪辭冀颺芳躅清酒在樽時蔬在几魂兮歸來尚其鑒此嗚呼哀哉

議卹通知單

同里黃君持身端潔操行肫誠幼曾孤露長益迤邐文如東野望斷衿青寒甚西華偏遭眼白頻年奔走履舄徒穿終歲辛勤樵蘇不給尋常絕粒已嫌七尺之多重叠幽憂竟失雙瞳之炯自是以來艱難益甚官非司業亦號盲夫地異西河居然矇叟塊居糠市凝眸則宛涉重淵兀坐繩床放眼而如沉九地生憐已死彌傷家室之顛連身是廢人忍聽妻孥之號慟而且柳州門祚曾無強近之親朱穆交遊絕少解推之誼三食渺渺



將求誰氏之門數口嗒嗒備歷有生之若屬在平人亦云憔悴  
矧茲殘疾益復倉皇已加以凶歲頻仍災年疊邁首山寒士不  
逢趙盾之知齊國窮人未沐黔敖之惠君則懸磬有漏已倦告  
人竈冷無烟唯思束手悠悠長日難尋避穀之方落落微軀誰  
投餐霞之設殃非美疾竟畢命於長饑危似覆巢將淪胥以盡  
室嗟乎同居儔類彼獨何人共是天民所遭如此疇非死別憐  
永訣於餓夫亦有幼孤悲銜哀於朽子是可傷也吁其痛矣今  
雖灰釘幸具衾情仍賒含

賞猶負淒涼影坐香無

饋賻之賓冷落靈幃賸有追逋之客而君之妻子蓬頭齒活  
計全無鵠面鳩形生機已淺僕分屬世交情兼執友慳無可破  
義有難辭頃承二三君子不俟請乞仗俠慨施諸多不給僕等  
勉強假益草草完殮而蓋棺尚稱貧避債豈曰近情不禁冒

耻告哀代求伙助冀於清償後事外稍有贏存差堪生息並振  
孤嫗兼營窳窳約二三十金便足養給雖林焚極溺具有同心  
弔死憐生無煩激勸而事非目覩誠難逆料而知人即深仁必  
待聞聲而起者理也亦勢也諸公雲情普覆海量同涵廣厦千  
間長表萬丈濡之膏沫枯苑頓分煦以陽和死生立判多原慈  
注少亦祥留積德於不酌之地酌之者未必無虛空施恩於不  
報之鄉報之者豈真無異漠庶幾佳城永固閱風風雨雨無非  
長者之恩後嗣重生歷子子孫孫盡出仁人之賜如蒙金諾祈  
於各台甫下填明數目早日送交某某家以便籌葬議卹他望  
寵頒同臻義舉借指困以續命定知累葉之銜環比助麥以埋  
齒行見重泉之結草如有絲毫侵蝕即當盡室遭殃敬草蕪詞  
兼留信誓翹切屏營頃知單者



重建隆山楊顯府暨修塔院引

距瑞之東隆山楊真人廟者俗名楊顯廟冠山抗殿拔嶺拓基踞蒼龍之勝瓊闕參差擷丹鳳之華銀臺高下浮屠飛閣極世畧於憑臨足練蓂花攬江河於遠近信神仙之靈府龍虎之殊庭也真人兄弟十人三用於世唐初有官樞務者常侍者招討者餘侍其父隱邑之錦屏峰講神仙鍊氣之術時貞白陶公由海道至瑞居陶山西僧一悟亦誅茅其地真人父諱精義翁與二公真機默契妙義相宣沈涵既久洞澈元微貞觀間遂拔宅飛昇事聞三子皆挂冠尋亦仙去孔組丹輕授之安國葛洪真訣傳自孝先許旌揚之眷屬接跡神州茅勺曲之弟昆聯鑣仙籍自是以來益昭靈異西郊不雨輒命應龍東作將興遂驅神魃來牛去馬征輅白其寵靈佑舫魚舳尾瀆資其利濟方之蔣

王部伍未聞驅羶之能玉筍威儀不著禦火之效者曷乎遠矣豈不偉哉由是浙東一帶皆爲立廟既合饗專祠之不一亦春祈秋報之無愆而茲山雙廟則奉其行一行七兩真人實爲示異之初首先昭報故明威獨著矜靈有加廟西爲塔院相傳寺之建也神陰贊之蓬島接於花城闐風通乎香界法輪員滿主持必藉乎高真象教莊嚴呵護定資夫神聖康熙甲子塔燬神顯異降真隨方調度精誠鼓舞毀而復完陽烏陰鬼迴翔祇樹之間焦葉火珠繚露槃之上斯又合仙佛爲同源均虛無爲一氣者矣迺者飛廉煽逆屏翳爲妖百棟雷崩萬椽雨散塵封芝洞波及檀林霧暗雲山兼迷奈苑雕楹綺井盡成白草之場瑤砌金鋪半作青蕪之國地非漢觀漫誇仙好樓居俗異林屠竟爾像皆露立司事等流連故蹟俛仰遺墟歎勝概之消沈烟霞



減色懼明裡之疲墜花鳥生愁竊意幽顯殊途而風雨掩蔽之  
思理無二致神人異尚而依息安棲之願義可相權將欲庇我  
室家而神無覆蓋何以綏余士女而戶藉憚憚用是情殷不禁  
神往僉謀重建以復舊觀特是王程浩渺龍宮與象塔兼營規  
制崇宏白鶴共青駕並舉不逢段令採玉石於何山非遇許珣  
問般倭共誰氏伏祈慧閣高流圓通精品共襄盛舉各踐勝因  
量鼓齊操信根不昧分八功之水即是天池積一筭之山無非  
華嶽將見林巒縹渺四圍燦金碧之輝巖岫逶迤百道曠丹霞  
之彩廟貌於以常新山林因而色喜是則檀施誼重好磨文筆  
以鐫名剎碑源長更挹豐湖而紀瑞福無唐舍必獲休祥神不  
宋聳定昭貺佑

通河



序

夫鐘鏞振聲而細匏過其響蘭茝發色而穠華閱其馨  
恣雄心於江霄濯素質於冰井良由奇穎之氣稟厥生  
初秀惠之韻蘊於所抱故能英姿颯爽而怒濤驟驅靈  
衿卷舒而古香時遶也伊夫嘲風弄雪蛩啣其響儷花  
鬪葉靡雜其辭否或妄騁霸才自謂籠罩萬有偶出纖  
語輒許氣象一新譬猶鼙鼓動地非不噌吰與之聆韻  
英之奏則陋矣桃李漫山非不穠豔與之觀瓊琬之蕤  
則俚矣以是而炫異衆製佞悅一時不其惡歟姚君復  
莊淵騫其姿雄秀在骨靈腑內滌逸情外蜚著作之富  
復註詩問

孫序

大梅山館集

積成巨觀豪爽之氣時寄清詠刻劃天地縛旨爛其星  
稠雕鏤古今瑤想鬱其雲詭駁駉乎笙簧六際而黼藻  
八能矣夫拓湖海之襟元龍恣其豪興得江山之助張  
說攄其雋思惟君所居實鄰于廓雷响霓吐浩然盪胸  
呀波呷濤時可洗眼雄邁發想輪軸恣其激迴縹緲寄  
思樓閣供其瑰麗宜其入騷詠而慧舌噲噓發歌吟而  
妙腕恣肆至若奮襪北征出門西笑問揚州風景不流  
杜牧之狂擅洛下才名大著陸機之望長安冠蓋之地  
唱儔集雲燕邸遊俠之場歌舞醉月出其縑指譽動英  
流迺爾聲情氣辟名士然而半生結客一第溷人名與